



# جريدة محاكم

١٢٩٠

٣٥

## موصلی

نومرو	ربیع الاول	سنه	شباط	سنه	صفیحه
٣٥	٢٧	١٢٩٧	٢٦	١٢٩٥	٢٣٧

- اشبو غزته بهر هفته صالی کونلری چیقار . سنه لکی التمش غروش و بهر نسخه سی التمش پاره \*
- مجیدیه اوله رق هر برده صاتیلور . درج اولنه حق اعلاناتک بهر سطرندن ایکی غروش التور . \*
- سنه لکنه مشتری اولق استیانتلر عدلیه نظارت جلیله سی اوراق مدیر لکنه مراجعت ایتملیدر \*

دخی مدعی عمویلر طرفندن هیئت انهامیه حضورنده اعتراض اولنقی لازم کله رک مستنطقلر جرائم مشهوده احوالندن ماعدا ویره جکری قرارلرک اجرا سنه مداخله ایده میوب اجرا ماده سی مدعی عمویلره عائد بولندیغی جهته بو خصوصده دخی قانون مذکورک یکر می بشیجی و یوز سکرنجی و یوز یکر می دردنجی و یوز یکر می طقوزنجی و یوز اوتوزنجی ماده لری احکامجه ایفای معامله ایتمک لازم کله جکی اشعار اولنور

( فی ١٦ شباط سنه ٩٥ تاریخی و یوزیمش )  
 ( سکر نومرو و ایله عدلیه نظارتندن طشره محاکم )  
 ( استینافیله سی مدعی عمویلکرتن برینه یازیلان )  
 ( تخریرات علیه تک خلاصه سیدر )

مظنوننا تحت توقیف واستنطاقه النان بعض اشخاصک هنوز تحقیقاتلری اکمال ایلدیکی ومدعی عمومی دخی استماع اولندیغی حالده مستنطقلر وظیفه سی ایفای این اعضا طرفندن بلا قرارنامه سییلاری تخلیه قلمدیغی استمدعا اولندیغندن و اولسایده اعضای عمومی البهک مهریله و بریلان پوصله لر جانب ضابطه دن دردست ایلدیکنندن بحشله کمدوسنک حقنده اولنه حق معامله استفسار اولتمشدر مستنطقلر محکمه استینافی مدعی عمومی سنک نظارتی تحتنده بولندیغندن برقصور و تکاسلاری و قوه عنده محاکمات جزائیله تک طقوزنجی والی ایکنجی و ایکی یوز فرق برنجی و ایکی یوز فرق ایکنجی ماده لرینه توفیق حرکت اولنه جغی کبی مستنطقلر طرفندن خلاف قانون اوله رق و بریله جک قرار

( عدلیه نظارتندن طشره محکمه استینافی رئیس )  
 ( اولرندن برینه یازیلان فی ١٧ ربیع الاول سنه )  
 ( ٩٧ و فی ١٦ شباط سنه ٩٥ تاریخی )  
 ( تخریرات خلاصه سیدر )

مأموریتنی اجرا حائده اولدیغی بر زمانده علیه نه اقامه اولنان جزا دعواسنک محکمه استینافده رؤیتی ایجابندن بولنش اولوب انجق رؤیت



ومحاکمه خصوصاً محکمه استینافک هیئت عمومیه -  
 سنه ۱۰۰۰ عا و بالکذا جزا دائره سنه ۱۰۰۰ عا اولدیغی  
 تقدیرده کورک بوایشک و کورک سار جزایه متعلق  
 دعویاه محکمه نیک اجرای محاکمه سیله حکمنده رئیس  
 اولک بونامی قانونا جائز اولوب اولدیغی استفسار  
 اولمشدر اصول محاکمات جزائییه قانوننک اوچیوز  
 سکسان بشنجی ماده سنده کوستریلان محاکم نظامیه  
 مأمورلری برجنایت ایله مظنون بولنور ایسه سار احوال  
 عادیده اولدیغی کی تحقیقات ومدعی عمومیک وظیفه -  
 سنک اجرایی جرمک واقع اولدیغی محل محکمه سنک  
 مستنطق ومدعی عمومیسنه رأساعائد اولیوب اول  
 امرده مافوقنده بولنان محکمه نیک رئیس اولی طرفندن  
 دیگر محکمه دن بر مستنطق ومدعی عمومی طرفندن  
 مدعی عمومیک وظیفه سنی ایفا ایله جک برضابطه  
 عدلیه مأموری تعیین اولنجه جنی قانون مذکورک  
 اوچیوز سکسان تنجی ماده سنده مسطور اولوب  
 بوندن صکره جریان ایله جک معاملاتده بنه قانونک  
 درتیوز ایکنجی ماده سی اقتضاسنجه قانونک احکام  
 ساره عمومی سنه رعایت اولنقی ایجاب ایله جکی  
 جهنله یوز یکریمی ایکنجی ویوز یکریمی سکرنجی  
 ماده لری موجبنه اوراق محکمه استیناف مدعی  
 عمومی سنه تبلیغ اولنقدن احوال عادیده اولدیغی  
 کی هیئت اتهامیه نیک مضطبه سی استیناف جزا  
 دائره سنه کلدکده ایکی دائره نیک برلشمسنه حاجت  
 اولیوب اصولی اوزره جزا دائره سنده محاکمه سنه  
 مباشرت اولنقی لازم کله جکی و علی العموم جزا  
 ایشلرینک جزا دائره سنده اجرا اولنجه جکی محاکمه  
 وحکمنده رئیس اولرک بولنوب بولنمه جنی  
 مسئله سنه کابجه تشکیلات قانوننک بکر منجی و اوتوز  
 ایکنجی ماده لری اقتضاسنجه دائره لره تقسیم اولمش  
 اولان محاکم رئیس لرینک جمله سی وظیفه لرده مستقل  
 و بر درجه ده اولوب رؤسای نایلرک ایچق ادارده

ایچق ادارده  
 ANKARA

جهنجه رئیس اولک تحت نظارتنده بولندیغی  
 درکار اولدیغی و در سعادت محکمه استینافیه سنده  
 جاری اولان قاعده به نظر ازومی تقدیرنده رئیس اولک  
 جزا دائره سی محکمه سنده بولنه بیله جک ایسه ده بونک  
 ایچق لزوم حقیقی ایله مشروط اولسی اقتض  
 ایله جکی جهنله اکا کوره توفیق حرکت اولنسنک  
 جوابا ازباری باش مدعی عمومیک مأموریت بهبه  
 سندن افاده قلمش اولمغله اجرای مقتضایی سیاقنده

مجلس عمومی نیک اجتماعنده قانونی تکلیف اولنقی  
 اوزره جرایمدن نشأت ایدن حقوق شخصییه  
 دعوا لرینده دأر ویریلان اعلاماتک صور اجراییه سی  
 حقیقه اولوب جریده محاکمک اوتوز دردنجی  
 نسخه سنده مندرج ۱۳ ربیع الاول سنه ۱۷  
 تاریخلی تخریرات عمومیده در سعادت وولایات  
 محاکم استینافیه سی مدعی عمومیک لریله اوییه مستقله  
 مدعی عمومی معاونلکرینده ارسال قلدیغی محرر  
 اولان موقت قرارنامه صورتیدر

برنجی ماده استرداد املاک و تضمینات کی حقوق  
 شخصییه دعوا سی جرمک رویت اولندیغی جزا  
 محکمه سنده و یا خود بشقه جه بر حقوق محکمه سنده  
 حکم اولمش اولسون حکمی منضمین اعلام و جزای  
 نقدی به دأر حکم لر زرده استینا اولنان معامله دن  
 ماعدا اعلامات حقوقیه نیک اجرایی حقیقه مؤسر  
 اولان قانون احکامنه توفیقاً اجرا اولنور  
 ایکنجی ماده رد املاک و تضمینات اعطایی ایله  
 محکوم اولان شخص دینی اعطادن امتناع ایلدیکی  
 دینه کافی مالی بولندیغی حالده تحقیق

اقتدارینه حاجت اولمهرق دایک طلبی اوزرینه  
 حبس اولنور  
 اوچنجی ماده دین جزای نقدی اعطاسندن  
 عبارت ایسه محکوم علیه عا ند اولدیغی دائره مأمورینک  
 طلبیه حبس اولنور  
 دردنجی ماده رد املاک و یا خود تضمینات و جزای  
 نقدی اعطایی ایله محکوم اولان شخص جرمندن  
 طولابی حبس جزایی و یا دها افر جزا ایله محکوم  
 اولمش ایسه جزایی کوردیکی مدتیجه انک مانندن  
 حقوق شخصییه و جزای نقدینک استحصالی جائز  
 اولور و مالی اولدیغی حالده مدت جزائییه سنی  
 اکل ایلدکدن صکره محکوم اولان حقوق شخصییه  
 و یا خود جزای نقدیدن طولابی بالاده ذکر اولنان  
 اجرا قانونی احکامنه توفیقاً حبس اولنمه ییلور

( فی ۲۳ شباط سنه ۹۵ تاریخیه عدلیه نظارتندن )  
 ( بالعموم محاکم استینافیه مدعی عمومی لرینه )  
 ( یازیلای تفرافنامه صورتیدر )

کله جک طقسان الی سنه سنک کافه وارداتی نقدا  
 استیفا اولنوب قائمه التمام سنه و طقسان بش سنه سی  
 اموالندن سکه خالصه استیفا اولنان کرکلره واردات  
 ساره دن ماعدا سنک بر قاعده خجسنه مقابل بر لیرا  
 ایچون درت یوزلک قائمه التوب طقسان درت سنه سی  
 ضابتنه قدر اولان بقایانک سکه خالصه اولهرق  
 استیفا سی مقرر اولنور دن ماعدا سنک مجموعی مقابلنده  
 بر لیرا ایچون درت یوزلک قائمه التمسنه بالاستینان  
 اراده سنیه جناب پادشاهی متعلق و شرف صدور  
 پیوریه رق خزینه جه ایجابی اجرا قلدیغی مالیه  
 نظارت جلبله سندن اشعار ایلمش اولمغله کیفیتک  
 داخل دائره مأموریتلرنده بولنان محاکم حقوقیه

و جزائییه ایله محاکم تجارت روساسنه بالذات ومدعی  
 عمومی معاونلری ایله بالواسطه سر بهما تبلیغی لازمدر

( فی ۲۸ صفر سنه ۹۷ تاریخنده محکمه تمیز )  
 ( حقوق دائره سندن ویریلان اعلاماتک صورتیدر )

حصیر اسکلک سنده ساکن تجاردن ملکیادی ولد  
 حاجی مانول ایله بیئلرنده متکون دعویاه دأر محکمه  
 تجارت اوچنجی مجلسندن تنظیم قلمنان ۷ شعبان  
 سنه ۹۶ تاریخلی اعلامک تمیز رویت و تدقیقی  
 ایازمه قیوسنده کراسته جیلرده یکریمی سکر نومرولی  
 مغازه ده مقیم سینوس اوغلی سمیون طرفندن محکمه  
 تمیز حقوق دائره سنه ویریلان عرضحال  
 و متفرعاتنده استنده واصحه التنده بالدیزی مغازه ده  
 مقیم دخان تجارندن حاجی میخال امضایله ممضی  
 و مصدق بر قطعه کفالتنامه اعطاسیله شرایط  
 تمیزیجه جمله سندن اولان تأمینات دخی ایفا قلمش  
 و دعوت واقعه اوزرینه طرفین اصالة بالورود  
 مستدعی مزبور سمیون تر یای اوغلی واسیلای  
 و مدعی علیه هر قوم ملتیادی دخی اسماعیل حق  
 اقدیلری مسجلاً توکیل ایلمش اولدیغندن  
 محاکمه لرینده استدار و اوراق موجوده بعد القرائه  
 ادعا و افاده لری و کیلان مومی ایهمسادن استفسار  
 قلدی

اعلام مذکور مندرجاتنه نظراً مزبور ملتیادی هر قوم  
 سمیون ایله بیئلرنده تنظیم اولنان معاوله موجبجه  
 یدی قله خارچنده کائن ماریانو بازرگانک مغازه سنه  
 تسلیم واعطا ایلدیکی درت بیک سکر بوزاون درت  
 قیه درینک اثمان حاصله سی بولنان بوز الی الی  
 لیرادن متبانی مطربی اولان اوتوز الی عسدد  
 عثمانلی لیراسنک مع فائض و مصارف تحصیلنی طلب

مواجهه طرفینده تقریر و افاده ایتمش اولدیغی کبی مذکور دریلرک مقاوله منعقد و وجهه مزبور ماریاز بازرگانک مغازه سنه تسلیم ایلمسی مشروط و صورت تسلیمی مرقوم سمیونک دخی اقرار یله متحقق اولوب بالفرض مرقومک افاده سی وجهه مذکور دریلر بدل پانده لاکی طرفندن کندوسنه اعطا قلماش و یا خود پانده لاکی به فروخت ایلماش ایسه بوندن طولانی مزبور ملتیدینک مسؤلیتی ایجاب ایتمه چکی بیانیله اولجه لاحق اولاز حکم غیبیبتک تأیید و تصدیقه و مرقوم سمیونک دریلرک بداندن طولانی ماریاتو علیهنده برکونه ادعای اولدیغی و بشقه جه استدعا نامه اعطای ایلدیکی تقدیرده اولوقت ایجابجه باقلمسنه قرا ویرلش اولدیغی اکلشاشدر

مستدعی سمیون و کیلی واسیلا کینک خلاصه ادا و اعتراضی درجه اولی محکمه سنجه جلب واستجواب اولسان ماریاتو بازرگانک اعلام معترض علیهک بالاسنده حکایه قلمن افاداتی ( سالف الذکر دریلری موکلنک خصمی ملتیدینک شریکی اوستول واسطه سیله مغازه سنه کوندرمش و اوراجا برادری پانده لاکی بازارلق ایدرک معترض علیهک حسابی ایچون صائون المش و مؤخر اون لیرا تجارتا معترض علیهندن برادرینک بالمبايعه کندوسنه یازمش اولدیغی بوصوله موجبجه بدلی تسویه و اعطای قلمش اولدیغندن ) عبارت بولمسنه و محکم مرقومه جه اولا لاحق اولان اعلام غیبی علیهندن موکل سمیون جانبندن اعتراض علی الحکم ایللمش اولمسیله افادات مذکوره میاننده بولسان معترض علیه تعبیرینک مرقوم ملتیدادی به شامل اولسنه کوره بازرگان مرقومک افادات واقعه سی مذکور دریلری یایعی اولان ملتیدینک حسابنه اولهرق برادرن پانده لاکیک صائون المش و اخیرا دخی بایع

و دعوی ایتمی و لاجل الحاکمه وقوعبولان جلب و دعوتنه مزبور سمیونک اجابت ایتماسی اوزرینسه عن الغیاب رویت دعویله ابتدار ایله مبلغ مدعاک فائض و مصارفیله برابر مرقوم سمیوندن تحصیلنه حکم و قرار ویرلش و اولسایده تنظیم قلمن اعلام علیهنده مرقوم سمیون جانبندن مدتی طرفنده اعتراض علی الحکم عرضحالی اعطای قلمش اولمندن ناشی طرفین جلب ایله و جاهها تکریر ایدیلان محاکمه لنده مزبور ملتیدادی ذکر اولسان مقاوله نامه یی ابراز و اراه ایدرک دعوی سابقه سی تکرار ایدوب مرقوم سمیون دخی مقاوله نامه ده کی امضاسنی تصدیق ایله برابر کندوسی بروجب مقاوله خصمی ملتیدایدن دری مبايعه و یوز یکر می لیرا اعطای ایلش و اشبو دریلرک اعلام غیبیایده اسمی مسطور اولان ماریاتو بازرگانک مغازه سنده بالذات طرفنه تسلیمی مقاوله واقعه اقتضاسندن بولممش ایکن مرقوم تسلیم اولدیغی ادا ایلدیکی دریلری شریکی اوستول واسطه سیله مذکور مغازه به نقل ایدیره رک اوراده بازرگان مرقومک برادری پانده لاکیه فروخت ایلدیکی کبی کندوسی دخی و یرمش اولدیغی یوز یکر می لیرانی حواله استرداد ایدوب هر فصله مذکور مقاوله نامه نک حکم سن اولدیغی حالده مرقوم ملتیدادی زدنده اولدیغی بیانیله دعوی واقعه نک ردینی طلب ایلش ایسه ده سالف البیان دریلرک صورت تسلیم و اعطای سنه معلوماتی بولسان و بوباید و وقوعبوله جنی افاداتی طرفیندن قبول اولسان ماریاتو بازرگان محکمه به جلب ایله استفسار ماده اولندقدنه مزبور ملتیدینک مذکور دریلری خصمی سمیونک حسابنه اولهرق مغازه سنه تسلیم ایلدیکنی و مؤخر دخی بولرک اون لیرا تجارتله مرقوم سمیون جانبندن برادری پانده لاکیه فروخت اولنوب بدلنک مرقومه اعطای قلمدیغی

مر قومدن اون لیرا تجارتله مبايعه ایلش اولدیغی بولنده اولوب مدعی بولسان مزبور ملتیدینک دعوا سنه میان و مشوش صورتده اولمندن بشقه دفع مضرت و جلب منفعت داعیه سیله وقوعبولش اولسیله افاده مزبور نک شایان قبول اولمه چکی بدیهی بولممش ایکن محکمه مرقومه جه **ک**رک بازرگان مرقومک افادات مسروده سی و کرک مرقوم ملتیدینک صورت دعواسی و یریلان اعلامک حکم بولنده تبدیل اولتمقله برابر حکم مزبورک اکابنا ایللمسی و موکلی جانبندن بازرگان مرقومک اخبارات واقعه سی شایان قبول اولدیغی بیانیله اول امر ده بولرسنک تحت قراره اولهرق طرفینه تفهیمی بولنده در میان ایدیلان افاداته حواله سمع اعتبار و خصمنه یمن تکلیفجه اولان حتی دخی محافظه اولتمسزین همان اساس دعوی تحت قراره اولمندن ماعدا طرفینک ادا و افاداتی خارجنده اولهرق مذکور دریلر بدلنک پانده لاکی طرفندن موکلنه اعطای قلماشندن و یا خود مرقوم پانده لاکیه به فروخت ایلماشندن طولانی مزبور ملتیدینک مسؤلیتی لازم کلیه چکنک کوسنتاسی و موکلی جانبندن محکمه ابتدایده کندوسی و کاله بولممش ( بقیه سی صکره )

( اوتوز دردیجی نومرولی جریده محاکمه مندرج )  
( اعلامک بقیه سی )

حالده محکمه مزبوره مدت استینافیه کچدی دیهرک رد دعوی ایلش و اخیرا بو خصوصی بدایه رویت ایدن سیروز بدایت محکمه سنک و یردیکی اعلامک اثنای تدقیقنده سلانیک استیناف محکمه سی مذکور سیروز محکمه تجارتک بوردینه استناد ایله مدت استینافیه و تمیزینه نک مرقومدن بحث و بونی دخی مدار حکم اتخاذ ایتمسب و وظیفه سی تجاوز ایتمش

اولدیغی مثلاو سیروز محکمه تجارتک حکم مشروعی اوزرینسه سیروز مجلس اداره سنجه دخی متصرف اولدیغی کانیجه چفتکی مزایده و اون یدی کون طرفنده آخر طالبترینه کفید ایدرک مسزین غیباننده اولهرق دون بدل ایله خصمنه فراغ و تسلیم ایدرلسنک بطلانی ظاهر اولوب مع مافیله حکم مذکورک استیناف مدتک کچدیکی فرض اولسنه بیله بوجهتک حکم معترض علیه ایچون سبب و علت عد اولتمسی موافق نظام اوله میه جفتدن و سلانیک استیناف محکمه سنک قرار لاحق سیروز محکمه تجارتک حکم ایلدیکی خصوصک رویت و فصلی محلی بدایت حقوق محکمه سنه عاقد اولدیغنه دائر مقدا و یرمش اولدیغی عرضحاله مرقوم قرارلرینه میان بولدیغی کبی استینافا تدقیقنی ادا ایلدیکی سیروز محکمه تجارتک اعلامی ۲۴ کانون ثانی سنه ۸۷ و استیناف استدعاسی دخی ۲۳ مایس سنه ۸۸ تاریخلری شامل اولوب بوا یکی تاریخ میاتمه گذران ایدن مدت ایسه یوز اون یدی کوندن عبارت ایکن سلانیک استیناف محکمه سی مرور مدت حقتده مذکور سیروز محکمه تجارتک ۳۱ مایس سنه ۹۳ تاریخلی درکنارینه استناد ایله تدقیق حساب ایتدیکندن بختله اعلام معترض علیهک نقضی استدعاسنی حاویدر

مدعی علیه اندون پاریشک لایحه جوابیه سنک اساسه دائر اولان مندرجاتک فذلکله سی دخی بومثلو اراضی دعوا لنده اراضی مأموریتک حضوری بالعکس خصمی محمد افندیکنک ترویج مدعا ضمنده تمسک ایلدیکی امر نامه سامی ایله دفتر خاقانی نظارتک تحریراتی احکامیه مؤید اولدیغی کبی مضبوطه نک اراضی مأمورینه ارسال و تخیم ایدرلمسی حقتده کی مقاله دخی مغلطه دن عبارت بولدیغی و خصمی مرقوم سیروز محکمه تجارتی اعلامی علیهنده مدتی طرفنده استیناف دعوی

رویت ایلدکلی و کرک نظام سز اولهرق فصل  
 وحسم ایتدکلی مواد حفته و بریله کلان  
 اعلاماتک تدقیقه تصدیق و یافسخنی مرجعه  
 عائدایکن سیروز بدایت محکمه سی وظیفه سی خارجه  
 اولهرق مدت استینافی مرور ایتمش اولان سیروز  
 محکمه تجارتی اعلاماتک فسخته قالمش سنک اصول  
 محاکمه به مخالفتی بدیعی اولق جهتیله اولسایده  
 سلانیک استیناف محکمه سنک قراری یوانده وچفتلک  
 مذکور هر قوم محمد افندیگ غیابنده مزایده  
 اولدیغنه دأر ادعالتک جرحنه دخی اعلام مندرجاتی  
 مرتبه کفایتده اولهرق والحاصل اعتراضات واقعه  
 واهی و بی اساس بولندیغنی بیانیله تمیز استدعاسنک  
 ردی طلبنی مشتملدر

بونک اوزرینه اعتراضات وافادات واقعه سنندن بشقه  
 بریده چکی اولوب اولدیغنی مستدعی مر قومدن  
 لدی السوال اولدیغنی درمیان ایتدکدن وواقع  
 اولان طلب اوزرینه مستدعی مر قومک ویرمش  
 اولدیغنی بعض اوراق نظر مطالعه دن کچورلدکن  
 صکره ایجاب مصلحت لدی المذاکره مستدعی محمد  
 افندیگ خلاصه اعتراضات وافاداتی اندون پاریش  
 ایله بیلرنده تمحدث چفتلک دعواسی درجه اولی  
 محکمه سنده غیابارویت اولتمش وراضی مأمورینک  
 حضور ایسه وجاها فصل وحسم اولتان دعاوی به  
 منحصر اولسی مقتضی بولتمش ایکن ذکر اولتان  
 چفتلک دعواسنک بدایه اثنای رویتنده اراضی  
 مأمورینک عدم حضوری ماده سنک حکم ابتدائینک  
 فسخته علت اتخاذ اولدیغنی و سیروز محکمه تجارتینک  
 کندوسندن استحصانه حکم ایتدیگی اوچویز ایتمش  
 ایکی عدد لیرانک یوز الی ایکسی فاحش گذشته  
 اولدیغنی حالده بوجهت حفته تدقیقات اجرا سیله  
 گذشته نک حد نظامیسنه تنزیل ایلدیگی و اساساً  
 اندون پاریشه اولان دینی تاریخی اموال غیر منقوله

ایتدیگی حالده قبول اولدیغنه دأر محکمه برشی  
 درمیان ایتدیگی جهتیله شمسی بوکا در ادعا و اعتراض  
 ایرادینه محل کور یله مدیگی و مذکور سیروز محکمه  
 تجارتینک حکمندن صکره چفتلک صورت مزایده سی  
 و فراغی حفته شکایاتی حاوی خصمی مر قوم طرفندن  
 عدلیه نظارت جلیله سنه و بریلان استدعایه و واقع  
 اولان قرار اوزرینه یازیلان ۵ نisan سنه ۹۲  
 تاریخی امرنامه سامیده چفتلک مزبورک اثنای  
 مزایده سنده برشی دینلیوبده شمسی ادعایه قالمش  
 محکمه تجارتینک اعلامی حکمی اجرادن صکره مخالفت  
 دیمک اولوب بویسه شایان قبول اولدیغنی کی ارده  
 مطلوب میری دخی بولتمش اولدیغندن اجراءات واقعه  
 عملیه نک اکیالی وچفتلک مزبور بدلتک دکرندن دون  
 اولدیغنی حفته کی ادعایه دخی باقمسی کوسرتلک و بونک  
 اوزرینه چفتلک مذکور دهاز یازیده طالب اولدیغنی  
 تقدیرده کتورمسی سیروز حکومته امهال فلندیغنی  
 وارادن ایکی ماه مدت مرور ایلدیگی حالده مزبور  
 محمد افندی او یله بر طالب کتوره مامک جهتیله  
 قرار سابقه توفیقا چفتلک مذکورک بدل مقرر یله  
 عهده سنه تفویض واحاله سنه قرار ویرلمش اولدیغنه  
 منی شو احواله متدار اعتراضلر دخی جوابدن مستغنی  
 ایدوی و دیون عقیقه ایچون چفتلک مزبورک صالتسی  
 جائز اولدیغنه دأر اولان ادعا دخی مذکور سیروز  
 محکمه تجارتی اعلامی علیه اعتراض دیمک ایسه ده  
 اعلام معترض علیه مقرر اولدیغنی اوزره مرور  
 مدت جهتیله مر قومک حق استینافی ساقط اولمش  
 اولدیغنی ملامت سیله وارد اوله یه جغنی و مزبور  
 محمد افندیگ مذکور سیروز محکمه تجارتی حکمینه  
 تعلق ایلان شکایاتنه وایشک جهات ساره سنه کلجه  
 بالاده ذکر اولتان ۵ نisan سنه ۹۲ تاریخی  
 امرنامه سامینک بجهله مندرجاتدن اولدیغنی اوزره  
 محاکم تجارتینک کرک صلاحیت و مأذونیتلری داخلده

نظامنامه سنک تاریخ نشرندن مقدم اولسی جهتیله  
 دین مذکوره مقابل مذکور سیروز محکمه تجارتینک  
 املاک سنک فروخته حکم اولتمسی نظامنامه مذکور  
 احکامنه موافق اولدیغنی کی ذاتاً املاک ماده سی  
 دخی مواد تجاریه دن بولندیغنی و مذکور سیروز  
 محکمه تجارتینک و بریلان اعلام علیه مدتی  
 ظرفنده استیناف دعویله قیام ایتمش ایکن محکمه  
 مذکوره مدت استینافیه کچی دهرک رد دعوی  
 ایتمش و اخیراً بویسه بدایه رویت ایلدن سیروز  
 بدایت محکمه سنک لهنده اولهرق ویردیگی اعلام  
 اثنای تدقیقنده سلانیک استیناف محکمه سی  
 رد مشروحه استدعا ایله اعلامنده مدت استینافیه  
 و تمیزیله نک مرورندن بحث و بونی مدار حکم اتخاذ  
 ایتمسینه وظیفه سی تجاوز ایتمش اولدیغنی و محکمه  
 تجارتینک بو حکمی اوزرینه سیروز مجلس اداره سی  
 دخی املاک مذکوره دن کانیجینه چفتلکنک حین  
 مزایده سنده آخر طالبلرینه کفید ایتدر لکسزین  
 دون بدل ایله مزبور اندون پاریشه فراغ ایلدیگی  
 و سلانیک استیناف محکمه سنک قرار لاحق سیروز  
 تجارتینک محکمه سنک حکم ایتدیگی خصوصک رویت  
 و فصلی محلی بدایت حقوق محکمه سنه عائد اولدیغنه  
 دأر مقدا ویردیگی عرضحاله مر قم قرارلرینه  
 میان بولندیغنی و اعلام تجارتینک تاریخله استیناف  
 استدعای تاریخی میاننده کذران ایلدن مدت یوز  
 اون بدی کون اولدیغنی حالده سلانیک استیناف  
 محکمه سی تدقیق حساب ایتدیگی قضیه لردن عبارت  
 اولوب انجق اعلام مذکور مندرجاتدن مستفاد  
 اولدیغنی اوزره دعوی محوث عنها الاجق مقابلنده  
 تفرغ اولتان چفتلکنک استدعای صورتنده حادث  
 اولهرق بناء علیه بو دعوانک اثنای رویتنده اراضی  
 مأمورینک حضور یسه لزوم اولدیغنی حالده مأمور  
 مومی الیهک عدم حضوری ماده سنک حکم  
 ابتدائینک فسخته سبب اتخاذنده اصابت کور یله

مامش ایسه ده بوسینک مصیب اولسای سی اصول  
 محاکمه ججه حکمی تغییر ایلدر خطیاندن غیر معدود اولق  
 و سلانیک استیناف محکمه سنک حکمینه استدعا  
 ایلدیگی اسابدن برسیده تجارتینک محکمه لری نک رویت  
 ایتدکلی مواد حفته ویردیگی اعلاماتک  
 تدقیقه تصدیق و یافسخنی مرجعه عائد و حقوق  
 عادیه محاکمی ایسه شو وظیفه ایله غیر مکلف بولندیغنی  
 حالده سیروز بدایت محکمه سنک اعلام تجارتی  
 فسخته ایتمسینه وظیفه سی تجاوز ایلدیگی ماده سی  
 اولهرق بویسه بولنده و اصول و نظام صورت  
 موافقنده بولتمش ملامتله مستدعی محمد افندیگ  
 اراضی مأمورینک حضوری حفته کی اعتراضی  
 موجب نقض کور یله مدیکنه و افندی مر قومدن  
 تحصیل محکمه تجارتینک حکم اولتان مبالغ میانده  
 اولان فائضک حد نظامیسنه تنزیل ایلدیگی  
 وچفتلک فروخته بادی اولان دینک تاریخی دخی  
 اموال غیر منقوله نظامنامه سنک تاریخ نشرندن مقدم  
 اولدیغنی ماده لری نک سیروز محکمه تجارتی اعلام عائد  
 مواد اعتراضیه دن اولسینه بونلرک مذکور سلانیک  
 استیناف محکمه سی اعلامی علیه سنه ایرادی مصیب  
 اولدیغنه وچفتلک صورت مزایده سی و اندون  
 پاریش عهده سنده تقرری رغبات ناسک انقطاعنه  
 مقرر اولدیغنی حفته کی ادعا دخی بر دعوی  
 مستغله اولوب بو دعوی آروجه اقامه ایتمکده  
 مستدعی مر قوم هر وقت مختار و مختیر اولدیغنی جهتیله  
 بو ادعالتک عند التمز مسموع اوله میه جغنی کی سلانیک  
 استیناف محکمه سنندن مقدا ویردیگی و قرار معترض  
 علیه میان اولدیغنی درمیان اولتان قرار سیروز  
 محکمه تجارتینک حکم ایتدیگی خصوصک سلانیک  
 بدایت محکمه سنده رویتی لزومی حاز و مستدعی  
 مر قومک عرضحاله منخرج بر درکاردن عبارت  
 ایدوی اوراق مر قومه میاننده بولتان صورت

مصدقه سندن نمایان اولدیغنه مبنی ذاتا بو کا قرار  
اطلاقی جائز اولدیغی ملاحظه سیله بو بایده اولان  
اعتراضک دخی شایان التفات کوریله مدیکنه  
وسیروز محکمه تجارتی اعلامی علیهنده کی استیناف  
استدعاسی مدتی ظرفنده اعطا قلدیغی ادعا اولمسنه  
وبو اعلام تجارتک مرجع استینافی دخی سلانیک  
تجارت محکمه سی بولمسنه کوره سلانیک استیناف  
محکمه سنک سیروز محکمه تجارتی اعلامک استیناف  
وتیمیر مدتلری مرور ایلدی دیمسنک مذکور  
سلانیک تجارت محکمه سنجیه برکونه تأثیری  
اوله هیه جغی درکار بولندیغی جهته مستدعی  
مرقومک بوکا دائر اولان اعتراضک دخی تدقیقنه  
محل اولدیغنه بنشاء تمیز استدعاسنک ردیله اعلام  
مذکورک تصدیقنه و اعلام و صورت و تبلیغ  
خرچلرینک مستدعی مرقومه رجوع ایتمک اوزره  
اول امرده مدعی علیه اندون پار یشدن انمسنه  
۳ ذی الحججه سنه ۹۶ تاریخنده غیایا و متفقاً قرار  
ویریلرک مستدعی مرقومه تفهیم اولندی

(اعلانات)

حاجی احمد افندیکن متوفی طوسون پاشا ورثه سنه با  
اعلام محکوم به دینی بولنان مبالغ معلومه ک تسویه سی  
ضمننده مدیونک فروخته موافقت ایلدیکی اوزون  
چارشوده یوز فرق نومرولی دکانی در سعادت  
مرکز اجرا دأره سندن فروخت اولنه جغی اعلان  
اولنور

متوفی مریم قدین ورثه سنک حسین حبیب افندی  
با اعلام محکوم به دینی بولنان مبالغ معلومه ک  
تسویه سی ضمننده فروختی محکوم اولان صماتیه ده  
کان ظفیری میخانه سی کدیکنک تمامی و ملک نصفی  
بولدن اقدم مزایدیه قونیه رقی ایکوز الی لیرا  
بدل ایله طالبی عهدده سنده تقرر ایتمکله نهایت اوتوز  
برکونه قدر قرار قطعیتی ویریله جکندن زیاده یه  
طالب اولنور وار ایسه در سعادت مرکز اجرا  
مأموریتنه مراجعت ایلدی اعلان اولنور

باراده علیه دستورک در دنجی جلدی بود فعه مطبعه  
عامر ده غایتله صحیح صورتده و بیک ایکوز صحیفه یه  
قریب اولدیغی حالده طبع ایدیلرک موقع انتشاره  
قونلمش اولدیغندن مجلدی مجیدیه ایله ایله الی  
واجزاسی فرق بش غروشه مطبعه عامر ده و معارف  
کتبخانه سنده و باغچه فموسننده حسن انا و صحاف  
چارشوسنده میری صحافی بسیم افندی دکاننده و سایر  
کتاب صساتان دکانلرده فروخت اولمقده ایدوی  
اعلان اولنور

اصول محاکات حقوقیه و جزائیه و تشکیل محاکم  
واعلاماتک صورت اجراسی قانونلریله خرج  
تعرفه سی عدلیه لوازم مأموریتنده و سلطان محمود  
تر به سی زندنده معارف کتبخانه سیله صحافی چارشو-  
سنده بسیم افندی دکاننده طاقی اون بر غروشه  
صاتمقده در